

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE**

Na osnovu člana 2.12 stav (5) Izbornog zakona BiH („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13, 7/14 i 31/16, 41/20, 38/22, 51/22, 67/22 i 24/24), člana 7. i 8. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 31/24 i 85/24) i člana 18. Stauta Općine Olovo („Službeni glasnik BiH“, broj: 2/07, 4/08, 7/18 i 8/19), Općinsko vijeće Općine Olovo, *o b j a v l j u j e*

J A V N I O G L A S

za imenovanje imenovanje dva člana Općinske izborne komisije Općine Olovo

I

Raspisuje se javni oglas za imenovanje dva člana Općinske izborne komisije Olovo. Članove Općinske izborne komisije Olovo imenuje Općinsko vijeće, uz saglasnost Centralne izborne komisije Bosne i Hercegovine na period od 7 (sedam) godina.

II

U skladu sa Uputstvom o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 31/24 i 85/24), kandidati za članove Općinske izborne komisije Olovo trebaju ispunjavati sljedeće opće uslove:

1. da je osoba sa pravom glasa,
2. da je osoba sa odgovarajućom stručnom spremom.

III

Pored općih uslova iz tačke II ovog javnog oglasa, osoba koja je kandidat za člana Općinske izborne komisije Olovo mora ispunjavati i sljedeće posebne uslove:

1. da ima prebivalište na području općine Olovo;
2. da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ECTS;
3. da posjeduje iskustvo u provedenju izbora.

Pod iskustvom u provedenju izbora podrazumijeva se:

1. članstvo u izbornoj komisiji,
2. članstvo u biračkom odboru na izborima na izborima za organe vlasti u BiH,
3. obavljanje dužnosti sekretara izborne komisije,
4. obavljanje poslova službenika centra za birački spisak,
5. obavljanje poslova kontrolora izbornih rezultata,
6. obavljanje poslova rukovodnih dužnosti u Glavnom centru za brojanje (direktor i zamjenik direktora),
7. obavljanje poslova državnog službenika ili zaposlenika u Sekretarijatu Centralne izborne komisije BiH na poslovima koji su vezani za provedbu izbornog procesa u trajanju dužem od jedne godine.

Izuzetno od odredbe iz člana 2. stav (1) tačka a) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 31/24 i 85/24), u općinama koje imaju do 3000 upisanih birača, član izborne komisije može biti lice sa prebivalištem iz druge susjedne općine, ukoliko u općini za koju se imenuje izborna komisija, nema prijavljenih kandidata koji ispunjavaju uslove tražene javnim oglasom, a radi primjene člana 2.14 stav (1) Izbornog zakona BiH, vodeći računa o posljednjem popisu stanovništva.

Izuzetno od odredbe iz člana 2. stav (1) tačka b) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 31/24 i 85/24), član izborne komisije može biti lice koje ima završenu srednju/višu školu, odnosno IV/V/VI

stepen stručne spreme ukoliko se radi o općini koja ima manje od 3000 birača upisanih u Centralni birački spisak ili se radi o ponovnom izboru (reimenovanju) člana izborne komisije odnosno ako je potrebno ispoštovati odredbe člana 2.14 stav (1) Izbornog zakona BiH.

Nosioci pravosudnih funkcija izuzimaju se od obaveze dostavljanja dokaza o posjedovanju izbornog iskustva iz člana 2 stav (1) tačka c) i stava (2) Uputstva.

IV

Sastav Općinske izborne komisije mora biti multietničan tako da odražava zastupljenost konstitutivnih naroda uključujući i ostale vodeći računa o posljednjem popisu stanovništva provedenom na državnom nivou.

U sastavu Općinske izborne komisije, nastojat će se obezbijediti ravnopravna zastupljenost spolova u skladu sa Zakonom o ravnopravnosti spolova u BiH.

V

Član izborne komisije može biti predsjednik ili sudija redovnog suda, pravobranilac, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2 Izbornog zakona BiH, a nemaju smetnji iz člana 2.3 Izbornog zakona BiH.

Za člana izborne komisije ne može biti imenovano lice obuhvaćeno čl. 2.3 i 2.12 stav (7) Izbornog zakona BiH, kao ni lice koje obavlja izvršnu funkciju, u smislu člana 1.1a Izbornog zakona BiH, niti lice koje je aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima

Član izborne komisije ili kandidat za člana izborne komisije, u statusu službenika ili zaposlenika na radnom mjestu u organu uprave, ne može biti razriješen odnosno nema smetnji za njegovo imenovanje za člana izborne komisije, pod uslovom da ispunjava uslove iz člana 2.2 Izbornog zakona BiH, a nema smetnji iz člana 2.3 Izbornog zakona BiH.

Za člana izborne komisije ne može se imenovati osoba koja je osuđena od strane bilo kog domaćeg i međunarodnog suda za zločin genocida, zločine protiv čovječnosti ili ratne zločine."

VI

Uz prijavu na javni oglas potrebno je dostaviti sljedeću dokumentaciju:

1. prijava na javni oglas koja sadrži: kontakt podatke podnosioca prijave, listu dostavljenih dokumenata i svojeručni potpis podnosioca prijave, te dokumente koji dokazuju ispunjavanje uslova iz javnog oglasa;
2. dokaz o stručnoj spremi kandidata - imenovanog člana izborne komisije, odnosno ovjerenu kopiju diplome o stečenoj stručnoj spremi nostrifikovanu-priznatu diplomu ukoliko fakultet nije završen u Bosni i Hercegovini, uključujući i diplome stečene nakon 06.04.1992. godine, u nekoj od država nastalih raspadom SFRJ, a u skladu sa propisima nadležnog organa koji vrši nostrifikaciju-priznavanje inostranih diploma;
3. dokaz o izbornom iskustvu kandidata u smislu člana 2. stav (2) tačka a) do f) Uputstva, odnosno: za člana izborne komisije akt o davanju saglasnosti Centralne izborne komisije BiH na imenovanje ili uvjerenje iz službene evidencije koje mora sadržavati podatke o nazivu izborne komisije i mandatnom periodu; za članstvo u biračkom odboru/timu za otvaranje vreća uvjerenje iz službene evidencije koje mora sadržavati podatke o vrsti i godini izbora i nazivu biračkog mjesta u kojem je imenovani kandidat bio u članstvu biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost; za sekretara izborne komisije, službenika centra za birački spisak, kontrolora izbornih rezultata i dužnosti u Glavnom centru za brojanje akt o postavljenju na navedenu dužnost ili uvjerenje iz službene evidencije nadležnog organa;
4. dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvu obukama za trening trenera u organizaciji Centralne izborne komisije BiH, ili o dodijeljenom priznanju Centralne izborne komisije BiH, ukoliko kandidat posjeduje navedeno;
5. obavještenje o prebivalištu -obrazac PBA-3 ili PBA 4 (ne stariji od tri mjeseca od dana izdavanja od strane nadležnog organa);
6. izjavu o nacionalnom izjašnjenju kandidata (Prilog: 7 Uputstva), svojeručno potpisanu i ovjerenu od strane nadležnog organa;
7. izjavu kandidata da nije obuhvaćen odredbama člana 1.7b, 2.3 i 2.12 stav (7) Izbornog zakona BiH (Prilog: 6 Uputstva), svojeručno potpisanu i ovjerenu od strane nadležnog organa.

VII

Dokumenti koji se dostavljaju kao dokaz o ispunjavanju uslova oglasa moraju biti originali ili ovjerene kopije ne starije od 6 (šest) mjeseci.

Javni oglas će se objaviti u dnevnim novinama "Oslobođenje", na web stranici Općine Olovo (olovo.gov.ba) i na oglasnoj ploči Općine Olovo.

Obrazac izjava iz tačke VI pod rednim brojevima 6. i 7. kandidati mogu preuzeti na web stranici Općine Olovo ili u Stručnoj službi Općinskog vijeća.

Rok za podnošenje prijava je 8 dana od dana objave u dnevnim novinama "Oslobođenje".

VIII

Prijave za Javni oglas dostaviti u zatvorenoj koverti na sljedeću adresu:

OPĆINA OLOVO
OPĆINSKO VIJEĆE
KONKURSNA KOMISIJA ZA PROVOĐENJE POSTUPKA PO JAVNOM OGLASU ZA
IMENOVANJE DVA ČLANA OPĆINSKE IZBORNE KOMISIJE OLOVO
Ulica: Branilaca Olova, broj 26
71 340 Olovo.

Uz naznaku:

„JAVNI OGLAS ZA IMENOVANJE DVA ČLANA OPĆINSKE
IZBORNE KOMISIJE OLOVO“
- Ne otvaraj -

Prijave se mogu slati putem pošte ili direktnom predajom na protokol u šalter sali Općine Olovo.

Po zatvaranju Javnog oglasa, Konkursna komisija izvršit će klasifikaciju kandidata na one koji ispunjavaju uslove javnog oglasa i na one koji ne ispunjavaju uslove.

Stručno testiranje sastoji se iz pismenog i usmenog dijela (intervju).

Centralna izborna komisija sačinjava listu pitanja za pismeni dio stručnog testiranja iz četiri različite oblasti iz izbornog zakonodavstva i izbornog procesa i to: nadležnosti izbornih komisija i biračkih odbora; provedba izbora i zaštita izbornog prava; planiranje aktivnosti i budžet; Etički kodeks organa za provođenje izbora i poslovnik o radu izbornih komisija. Lista pitanja za pismeni dio stručnog testiranja s ponuđenim odgovorima i s tačnim odgovorom objavljuje se na internet stranici Centralne izborne komisije Bosne i Hercegovine i na taj način je dostupna javnosti.

Konkursna komisija provodi intervju sa svim kandidatima koji su pristupili stručnom testiranju odmah po završetku pismenog dijela testiranja i bodovanja testova. Na intervjuu se postavljaju 2 (slovima: dva) pitanja kojim se utvrđuje stručnost kandidata u smislu opisa poslova, zadataka i nadležnosti izborne komisije i pitanja koja su usmjerena na provjeru kompetencija kandidata. Konkursna komisija određuje pitanja koja će se postavljati kandidatima neposredno prije intervjua. Konkursna komisija postavlja ista pitanja svim kandidatima u okviru kojih se mogu postavljati dodatna pitanja radi razjašnjenja prethodno iznesenih informacija.

Neblagovremene i nepotpune prijave neće se uzimati u razmatranje.

Broj: 01-01-3- 216 /25

Datum: 05.02.2025. godine



PREDSJEDAVAJUĆI
OPĆINSKOG VIJEĆA

Kadir Plećan